

EKALESIA FA'APOTOPOTOGA KERISIANO  
I AMERIKA SAMOA

# 'AU TAUMAFAI

TUSI FAILOTU  
2021



*MO KERISO MA LE EKALESIA*

EKALESIA FA'APOTOPOTOGA KERISIANO  
I AMERIKA SAMOA

**'AU TAUMAFAI**

**TUSI FAILOTU  
2021**



***“MO KERISO MA LE EKALLESIA”***

**Laulau Mafutaga Aoao 'Au Taumafai EFKAS:**

Faaeteete Saifoloi FT, Peresitene  
Viliamu Leilua FS, Failautusi  
Johnny Fano FS, Teutupe

**Saunia Ienei Tusi Failotu:**

***'Aufaigaluega Pulega L.A. i Matu***

Liona Thompson FT  
Gafoa Pulu FS  
Momoli Papalii FS  
Manaomia Tauanuu FS  
Mika Kelemete FS

## UPU TOMUA

Mai le Komiti,

*“Ia faafetaia lava le Alii, auā na faafofoga i le leo o a tatou talosaga. O le Alii, o lo tatou malosi ma lo tatou talita o IA. O lea e fiafia ai le loto ma vivii atu ia te IA i pese.”*

Tulouna ia le Ekalesia – EFKAS – e le toe tau faamapu'eina, o ona mamalu ma ona faiga, ua taoto a'o se ala ua o'o. Tulou, tulou lava.

Ua mamao ala, e ui i le ma'atui ma le ma'a faalavea 'aao sa fetaia'i ma le Ekalesia tainane le lalolagi (covid-19), a'o lea lava ua pale i nu'u manaia. Ua talii i fanua le faatautaiga ma tatou tulauleele i le tausaga fou 2021 ona o le alofa ma le agalelei o le Atua soifua. Malo folau. Malo toa.

E fai a'u ma sui o le komiti mamalu o le 'Au Taumafai, e faaleo ai alofaaga ma se agaga faafetai i 'au Taumafai uma o le Ekalesia Aoao. Ua faamalo le tautua Ekalesia, e le gata i Faiga taulaga, a'o le soifua tatalo ma tatou tulivae i le Atua ina ia folau pea i lagimā ma tumau lona alofa i le EFKAS.

Ua folasia i lumamea ma tau 'aao le tatou tusi failotu 'Au Taumafai o le tausaga 2021, o le galuega tele sa tapena ma saunia lelei e le susuga i le Toeaina Rev. Elder Liona Thompson ma le 'aufaigaluega Pulega L.A. i Matu. O penina maua gatā o le malo o le Atua, ua talatalafulu e fai ma taiala o su'esu'ega o le Tusi Paia ma afioga a le Atua i a tatou sauniga lotu fa'a-'Au Taumafai. Ua faamalo fai o le faiva.

Ia manatua ane le tatou aso faamanatu ia Fepuari 02, 2021, e atoa ai le 140 tausaga o le 'Au Taumafai i le lalolagi. A i ai foi ni lape o le komiti ma se taumafai atu, ia fale i le Atua sou finagalo mafatia.

Ia faamanuia ma agalelei le Atua o malo i luga o le EFKAS ma le lalolagi atoa. Manuia galuega ma faiva o lenei tausaga 2021. Alofagia foi le 'au penisione ma e ua tuua le EFKAS. Alofaaga mo 'au Taumafai uma o le EFKAS.

Soifua,



Faaeteete Saifoloi FT, Peresitene  
Mafutaga Aoao 'Au Taumafai EFKAS

## IANUARI 2021

### **Aso Sa -- Ianuari 03 (Faafouina)**

Tusi Faitau -- Eperu 1: 4–14

Matua -- Eperu 1:10 -- *'I le ma lea, Le Alii e, na e faavaeina le lalolagi i le amataga, o lagi foi o galuega ia a ou a'ao.'*

**Autū: 'E Tautai Iesu i le Ala lea' (Jesus guides this Way)**

1. O Iesu lava le Faavae
2. Tapena sou oso mo le malaga
3. E le faatali le Alii i ni tagata faiaga

### **Aso Sa -- Ianuari 10**

Tusi Faitau -- Mataio 22: 36–40

Matua -- Mataio 22:37 -- *"Ona fetalai atu ai lea o Iesu ia te ia, 'E te alofa atu i le Alii lou Atua, ma lou loto atoa, ma lou agaga atoa, ma lou manatu atoa."*

**Autū: 'Fealoa'i ma le Atua i le Fatafaitaulaga'**

*(Face to face with God at the Altar)*

1. O le Atua liulualo mai
2. Manatua ulua'i fua o galuega lelei
3. E fua mai i le malosia fua e ao ona fuaina atu

### **Aso Sa -- Ianuari 17**

Tusi Faitau -- Faaaliga 2: 8–11

Matua -- Faaaliga 2:10 -- *"Aua lava e te fefe i mea o le a e tiga ai. Faauta, o le a tuuina atu ni o outou e le tiapolo i le falepuipui, ina ia tofotofoina ai outou..."*

**Autū: 'E le faosoosoina, a e tofotofoina' (Not tempted, but tested)**

1. O loo i le ala le tiapolo
2. E faaaupegaina i tatou e le Agaga Paia
3. E suamalie tiga, ona o le Alii ma lana faaolataga

### **Aso Sa -- Ianuari 24**

Tusi Faitau -- Tanielu 6: 19–28

Matua -- Tanielu 6: 26 -- *'Ou te pule ina ia gatete ma matatau i luma o le Atua o Tanielu o tagata i itu malo uma i lo'u malo; Aua o ia o le Atua e Soifua, e tumau o ia e faavavau, e le faaumatia lona malo ma lana pule e oo i le gataaga.'*

**Autū: 'E Pule Aoao le Atua' (God is Sovereign)**

1. E fesouaina ae lagomalaina
2. O le pule a le tagata, o le pule tautua
3. Ia vivii ma faafetai e le aunoa

**Aso Sa -- Ianuari 31**

Tusi Faitau -- Mataio 5: 38–42

Matua -- Mataio 5: 41 -- *'Ai se na te tauanau mai lua te o ma ia i le maila e tasi, ina o ia oulua ma ia i malia e lua.'*

**Autū: 'Ua se'e le Sa o le Ekalesia' (The Church is calmly sailing)**

1. 'Aua ne'i seetia i le malu o le tai taeao
2. E le sili le ta'i i le tapua'i
3. Le Atua e muamua atu e mulimuli mai

----- **FEPUARI 2021** -----

**Aso Sa -- Fepuari 07 (Faafouina)**

Tusi Faitau -- Ruta 4: 13 - 22

Matua -- Ruta 4: 22 -- *'Na fanaua e Opeta o lese, na fanaua e lese o Tavita'*

**Autū: 'O le Aiga o le Atua' (The family of God)**

1. O le Gafa o le Alofa Tunoa
2. O le tagata na fanaua e le Agaga
3. E mai nuu ese le faaolataga

**Aso Sa -- Fepuari 14**

Tusi Faitau -- Hakai 1: 1 - 8

Matua -- Hakai 1: 2 – *"Ua faapea ona fetalai mai o le Alii o 'au, o loo faapea mai: 'Ua fai mai leneni nuu, E le'i oo i ona aso, o aso e fai ai le fale o le Alii."*

**Autū: 'E le toloa e se malosi le finagalo o le Alii'**

*(No force can alter the will of the Lord)*

1. E silafia e le Atua mea uma
2. Galulue faatasi ma le Atua
3. Ese le Puniloa ese le Punimatatogo

**Aso Sa -- Fepuari 21**

Tusi Faitau -- Iuta 1: 17 - 23

Matua -- Iuta 1: 21 – *“Ia outou faatumau ia te outou i le alofa o le Atua, ma faatalitali atu i le alofa mutimutivale o lo tatou Alii o Iesu Keriso, e oo atu i le ola e faavavau.”*

**Autū: ‘A ua ave, ave uma’** (*If it is given, give it all*)

1. O le lima mafola, o le lima e tumu pea
2. E ola su’e ola, le ola o le Kerisiano
3. Se mea ina a lelei o uso, a e nonofo faatasi lava o i latou

### **Aso Sa -- Fepuari 28**

Tusi Faitau -- Iona 2: 1 - 10

Matua -- Iona 1: 9 – *“A o a’u ou te faitaulaga ia te oe ma le upu faafetai, ou te faia le mea na ou tauto ai. Mai le Alii le olataga.”*

**Autū: ‘Ina ua ola, ona a lea?’** (*When alive, then what?*)

1. E le o mea, a o le Faafetai
2. E galo mea taua, a e manatua mea e leai ni o latou uiga
3. E mafai ea ona sola o se tagata ua valaauina e le Atua? Afai e mafai, e faafefea ona fai o le sola lea?

-----**MATI 2021**-----

### **Aso Sa -- Mati 07 (Faafouina)**

Tusi Faitau -- Malaki 3: 13 - 18

Matua -- Malaki 13: 17 – *“E fai foi i latou ma a’u oloa taua, ua fetalai mai ai le Alii o ‘au, i le aso ua ou tofia, ou te alofa foi ia te i latou, e pei ona alofa o le tagata i lona atalii ua auauna ia te ia.”*

**Autū: ‘O le Fuata ma lona Lou’** (*The Season and its Rod*)

1. O aso o le Atua aso uma
2. O le Atua teu oloa
3. O le auauna ma lona tau

### **Aso Sa -- Mati 14**

Tusi Faitau -- Hosea 6 : 1 - 3

Matua -- Hosea 6: 1 – *“O mai ia, ina tatou toe foi atu i le Alii, aua o ia ua na saeia, na te faamaloloina foi i tatou, ua ia fasia, na te fofoina foi i tatou.”*

**Autū: ‘Malamalama i ala o le Alii’** (*God’s ways are comprehensible*)

1. Aua le alu loa, a e fo’i
2. Sema se taimi, e toe fatufatua’i ai le ola

3. E lautele le alofa o le Alii

### **Aso Sa -- Mati 21**

Tusi Faitau -- 1 Korinito 1: 1 - 3

Matua -- 1 Korinito 1: 3 -- *“Ia ia te outou le alofa tunoa ma le manuia mai le Atua lo tatou Tama ma le Alii o Iesu Keriso”*

#### **Autū: ‘E faafeiloa’i i tatou e le alofa tunoa’**

*(We are greeted by the Grace of God)*

1. E mataalofa le Talalelei a Keriso
2. E ofo atu ofo mai, faiga faale-usoga
3. Faauouo ma le o ita mai

### **Aso Sa -- Mati 28 (Aso Sa o le Laupama)**

Tusi Faitau -- Faaaliga 7: 9 - 17

Matua -- Faaaliga 7: 9 – 10 *“... ua oofu i latou i ofu sisina, ua i ai foi lau pama i o latou lima. Ua latou alalaga foi ma le leo tetele, ua faapea atu, ‘O i ai le faaolataga i lo tatou Atua o le tietie i le nofoalii, atoa ma le Tamai Mamoe.”*

#### **Autū: ‘O le tagata na oti ae ola pea’ (The one who died but lives on)**

1. O le ola e faavavau, o le ola e amata atu i le taimi nei
2. Ua manumalo Keriso
3. Ia fola i le alofa le ala o le Alii

-----**APERILA 2020**-----

### **Aso Sa -- Aperila 4 (Faafouina - Aso Sa o le Eseta)**

Tusi Faitau -- 1 Korinito 15: 51 - 58

Matua -- 1 Korinito 15: 55 – *“Le oti e, o fea o i ai lou manumalo? Le oti e, o fea o i ai lou tui?”*

#### **Autū: ‘Ua le iloa ni foliga o le oti, ina ua toetu Keriso’**

*(The face of death is lost, when Christ was resurrected)*

1. Ia faa-toetu ona fai o le tautua i le Alii
2. O suiga tetele ua faia e le Atua
3. O le manumalo e afua mai i puapuaga

### **Aso Sa -- Aperila 11**

Tusi Faitau -- Mataio 28: 16 - 20

Matua -- Mataio 28: 19 – 20 – *“O Ienei, ia outou o atu e fai nuu uma lava ma soo ma papatiso atu ia te i latou i le suafa o le Tama, ma le Atalii, ma le Agaga Paia, ...”*

**Autū: ‘Ia faa-Toetu ona o’** (*Be resurrected and go*)

1. Ua valaauina i tatou i le galuega folafola
2. Ia faia e faapei ona faia e le Alii Toetu
3. O le fili o le galuega, o le fai atu e o, a e le o

### **Aso Sa -- Aperila 18**

Tusi Faitau -- Faataoto 21: 1 - 6

Matua -- Faataoto 21: 3 – *“Ia faia le amiotonu ma le faamasinoga, e sili ona lelei o lea i le Alii i le taulaga.”*

**Autū: ‘O le faapolopolo a le tautua matavela’**

*(The preservation of a faithful servant)*

1. Se a se mea e mafai ona ofo atu mo le Atua?
2. O faiva manuia, o faiva tapuaia
3. E faavae i le alofa le lufilufuga a le au faatuatua

### **Aso Sa -- Aperila 25**

Tusi Faitau -- Ioane 20: 24 - 29

Matua -- Ioane 20: 25 – *“... A ua fai atu Toma ia te i latou, ‘Afai ou te le vaai atu i ona lima, i mea na tutui ai fao, ma tuu lou tamatamai lima i mea na tutui ai fao, ma tuu mai lou lima i lona itu, ou te le talitonu lava.’”*

**Autū: ‘Talitonu ma Faatuatua i mea e faia e le Alii’**

*(Believe and have faith in what the Lord does)*

1. O ala o le Atua, e le o tatou ala ia
2. O si o ta lima lava, e pa’ia ai si o ta mata
3. Tutu faatasi, pauu faatasi ma le usoga

-----ME 2021-----

### **Aso Sa -- Me 02 (Faafouina)**

Tusi Faitau -- Luka 24: 36 - 49

Matua -- Luka 24: 36 – *“A o faamatala e i laua ia mea ia te i latou, a ua tu mai Iesu lava i o latou luma, ua fetalai atu ia te i latou, ‘Ia outou manuia.’”*

**Autū: ‘O le la’oai o manuia’** (*The table of blessings*)



1. Ia talia ma le loto maualalo meaalofa ua foaiina mai
2. O a’ao o le Atua ua faamalumalu ifo
3. Fai malu faiva ma tiute, aua o faiva tofofi

### **Aso Sa -- Me 09**

Tusi Faitau -- Pese a Solomona 1: 1 - 7

Matua -- Pese a Solomona 1: 5 – *“Tama fafine a Ierusalem e, e uliuli a’u, ae lalelei, e pei o fale ‘ie o Kitara, e pei o ‘ie pui-pui o Solomona.”*

#### **Autū: ‘O le faatusa o le Atua na faia ai le tagata’**

*(God created humanity in His image)*

1. Aua le vaai ifo, ae vaai a’e
2. Lagi faa-pese le ola, e malie ai
3. E le o Ierusalem, a o tuapa o Ierusalem

### **Aso Sa -- Me 16**

Tusi Faitau -- Mareko 7: 1 - 13

Matua -- Mareko 7: 11 – *“A ua outou fai mai, afai e fai ane se tagata i le tama poo le tina, ‘Ai se mea ua ia te a’u e aoga ia te oe, ua kopano lea, o lona uiga, o le taulaga i le Atua.”*

#### **Autū: ‘E le o upu ma le gutu, a o galuega’**

*(Not words and speech, but deeds)*

1. Tapena sau taulaga mo le Alii
2. E lautua e le Alofa mea uma
3. Tuli i luma so tatou ‘ai i le manumalo o Keriso

### **Aso Sa -- Me 23**

Tusi Faitau -- Filemoni 1: 1 - 25

Matua -- Filemoni 1: 23 – *“O loo alofa atu ia te oe o Epafara, o loo noanoatia faatasi ma a’u ona o Keriso Iesu.”*

#### **Autū: ‘O le olaga e faa-Mesia ona fai’**

*(The practice of a Messianic experience)*

1. O upu e faavae i le talalelei, e sola ai le ita
2. Faalelei muamua ma le uso, ona alu a’e ai lea i le fatafaitaulaga’
3. E ulumatua Iesu i le igoa o le Alofa

### **Aso Sa -- Me 30**

Tusi Faitau -- I Nofoaiga Tupu 16: 1 – 36

Matua -- I Nofoaiga Tupu 16: 7 – *“O Iena lava aso na faatoa tuuina*

*atu ai e Tavita i le lima o Asafo ma ona uso, o lenei salamo e faafetai atu ai i le Alii.”*

**Autū: ‘Ia faafetaia le taulaga na faia e Keriso’**

*(Be grateful for Christ’s sacrifice)*

1. Ave lou ola ia aoga
2. O le EFKAS faitaulaga
3. E galo ea faapefea le Atua? Se galo nimo poo se galo si’o?

-----IUNI 2021-----

**Aso Sa -- Iuni 06 (Faafouina)**

Tusi Faitau -- Ieremia 31: 23 - 37

Matua -- Ieremia 31: 33 – “*A o lenei le feagaiga ou te osia ma le aiga o Isaraelu, pe a mavae ia aso, o loo fetalai mai ai le Alii, ou te tuuina la’u tulafono i totonu ia te i latou, ma ou tusi ai i o latou loto, e fai foi a’u mo latou Atua, o i latou foi e fai mo’u nuu.”*

**Autū: ‘Aua nei galo Afia i si ona vao’**

*(Don’t forget Afia in his wilderness)*

1. O a mai oe i le taulotoa’iga o la tatou malaga?
2. E te faia lava e oe mea sili, ma e malo ai.
3. Opogi mai le uso ua faavaivai.

**Aso Sa -- Iuni 13**

Tusi Faitau -- Kalatia 5: 16 – 26

Matua -- Kalatia 5: 22 – 23 – “*A o le fua o le Agaga, o le alofa, o le olioli, o le filemu, o le onosa’i, o le mataalofa, o le agalelei, o le faamaoni, o le agamalu, ma le amio mama, e le faatulafonoina mea faapena.”*

**Autū: ‘O taimi faigata o le ola, o taimi ia o le Agaga Paia’**

*(The difficult times of life, are the moments of the Holy Spirit)*

1. Ua solofa i lalo e Keriso pa vaeloto o le ola.
2. Avatu ni lo, aumai ni lo.
3. Tapena e le Atua lo tatou oso i le ola e faavavau.

**Aso Sa -- Iuni 20**

Tusi Faitau -- 1 Tupu 2: 1 - 9

Matua -- 1 Tupu 2: 1 – “*Ua latalata ona po e oti ai Tavita, ona fai ai lea o mavaega ma lona atalii o Solomona, ua faapea atu.”*

**Autū: ‘O upu a le Tamā alofa’** *(The Words of a loving Father)*

1. E matua i le Atua lana Ekalesia.
2. E lima taitaiina i tatou e le Upu a e le o le Tulafono.
3. Na faaseseina lava Solomona.

### **Aso Sa -- Iuni 27**

Tusi Faitau -- Ioane 15: 1 - 17

Matua -- Ioane 15: 12 – “O la’u poloaiga lenei, ia outou fealofani, pei ona ou alofa atu ia te outou.”

**Autū: ‘Ina ua alofa mai Keriso, e faapefea ona tatou le fealofani?’**

*(When Christ loves us, how can we not love one another?)*

1. Lulu ma tufa atu le fua ua seleseleina
2. E sili atu le faatauvaavaa a e amanaia, nai lo le maualuga a e inosia
3. O le i’uleo o le vaivai, e ootia ai le loto

-----JULAI 2021-----

### **Aso Sa -- Iulai 04 (Fa’afouina)**

Tusi Faitau -- Tanielu 5: 1-31

Matua – Tanielu 5: 25 – “O lenei le tusi na tusia, Mene, Mene, Tekele, Uperesa.”

**Autū: ‘O upu na tusia i le pa puipui’** *(The writing on the wall)*

1. Ua faitaulia e le Atua lou malo, ua fa’ai’uina.
2. E fuatia oe e le Atua I le fuafaatautau, ua iloa oe ua mamasagia.
3. Ua vaevaeina lou malo, ua foaina atu I nisi malo e pule ai.

### **Aso Sa -- Iulai 11**

Tusi Faitau -- Esoto 5: 1 - 6, 18 - 2

Matua -- Esoto 5:23 – “Aua talu ina ou alu ia Farao e tautala atu ai i lou suafa, ua agaleaga mai lava o ia I lenei nu’u; e te le’i lavea’i lava i lou nu’u.”

**Autū: ‘Faatalitali i le Atua’** *(Waiting on God)*

1. Galue ma faatalitali pea I le Atua I aso uma.
2. E tutupu pea lu’i ma faigata, a’o faatalitali I le Atua.
3. Ua tau mou atu le onosa’i, ona o le umi o fa’atalitali i le Atua

### **Aso Sa -- Iulai 18**

Tusi Faitau -- Luka 6: 32 - 38

Matua -- Luka 6: 38 – *“Ia outou foa’i atu, e foaiina mai ai ia te outou; e foaiina mai e i latou i lo outou lava ie pulupulule le fua lelei, e solo i tua. Aua o le fua tou te fuaina atu ai, e fuaina mai ai ia te outou.”*

**Autū: ‘O le olioli o le foa’i atu ma le maua mai’**

*(The joy of Giving and Receiving)*

1. Ua poloa’i le Ali’i ina ia tatou foa’i.
2. E faatamaoagaina i tatou e le Alii, pe afai e tatou te foa’i.
3. E taumasuasua ma solo i tua ou manuia, ona o lau foa’i i le Alii.

**Aso Sa -- Iulai 25**

Tusi Faitau -- Salamo 73: 15 - 28

Matua -- Salamo 73: 24 – *“E te ta’ita’i ia te a’u i lau pule, a e mulimuli ane e te talia mai a’u i le manuia.”*

**Autū: ‘Faatonuga ma le Taunu’uga’** *(Direction and Destination)*

1. E tatou te fesaga’i pea ma o tatou vaivaiga.
2. Ia tatou faafetai i le Atua mo lana ta’ita’iga.
3. Ia tatou taofi mau i le mamalu o le Alii.

-----AOKUSO 2021-----

**Aso Sa -- Aokuso 1 (Fa’afouina)**

Tusi Faitau -- Ioane 6:24-35

Matua -- Ioane 6:33 -- *“Aua o le areto mai le Atua, o le mea ua alu ifo mai le lagi lea, ma aumai le ola i le lalolagi.”*

**Autū: ‘Areto o le Ola’** *(Bread of Life)*

1. Ua lapata’ina I tatou e Iesu, I le uiga moni o le areto o le ola.
2. Ua a’oa’oina I tatou e Iesu, I le taliaina o le areto o le ola.
3. Ua fa’amalamalamaina tatou e Iesu, o la o le Areto o le Ola.

**Aso Sa -- Aokuso 8**

Tusi Faitau -- Luka 15:25-32

Matua -- Luka 15:28 -- *“Ona ita ai lea o ia, e le mafaia ona ulufale i ai; ona alu atu ai lea o lona tama I fafo, ua fa’aoleole ia te ia.”*

**Autū: ‘E nofo ae le malamalama i le Aiga’**

*(Misunderstanding Home)*

1. E sa’afi le lagi pe a salamo le lalolagi.
2. E mamao ese loa ma le aiga, ona faitau aoga lea.
3. A malamalama I le aiga, ona toe fuataina lea o le ola.

### **Aso Sa -- Aokuso 15**

Tusi Faitau -- Esoto 3:1-12

Matua -- Esoto 3:7 -- *“Ona fetalai mai lea o le Ali'i, ua ou matua vaai atu i le puapuaga o o'u nu'u o loo i Aikupito, ua ou fa'alogo foi i lo latou alaga ona o e pule faasaua ia i latou, ua iloa foi lo latou tiga.”*

#### **Autū: ‘O le Fesoasoani mo Tagata Puapuagatia’**

*(Help for Afflicted People)*

1. E silafia e le Atua tiga o ona tagata.
2. E lagona e le Atua le auega, ma faanoanoaga ona tagata.
3. E afio mai le Atua e lavea'i, ma faa-saoloto ona tagata.

### **Aso Sa -- Aokuso 22**

Tusi Faitau -- Iosua 6:1-20

Matua -- Esoto 6:20 -- *“Ua ili pu e faitaulaga, ona alalaga ai lea o le nuu; ua faalogo le nuu i le leo o le pu, ona alalaga lea o le nuu i le leo tele, ona solo ai lea lialo o le pa, ona o a'e ai lea o le nuu i le aai taitasi i o latou luma, ua latou aea foi le aai.”*

#### **Autū: ‘O le Faatuatua, e solo ai i lalo Pa Puipui’**

*(By Faith, it will Break down Walls)*

1. O avanoa, e lu'itauina ai le faatuatua.
2. O le faatuatua, e usiusita'l ai.
3. E manumalo, pe a malosi le faatuatua.

### **Aso Sa -- Aokuso 29**

Tusi Faitau -- Mareko 7:1-8, 14-15, 21-23

Matua -- Mareko 7:15 -- *“E leai se mea o loo i fafo o le tagata e alu ane i totonu ia te ia e mafai ona leaga ai o ia; a o mea e sau mai i totonu ia te ia, o mea ia e leaga ai le tagata.”*

#### **Autū: ‘Ia Alofagia’ (Be Lovable)**

1. O le alofa e lalaga mai i le loto.
2. O le alofa e faavae i le Atua.
3. O le alofa e le amata i mea o le tino, poo mea i fafo.

-----SETEMA 2021-----

### **Aso Sa -- Setema 05 (Fa'afouina- Aso Sa Tala Lelei)**

Tusi Faitau -- Roma 1: 8-17

Matua -- Roma 1:1 -- *“Aua ou te le ma i le tala lelei ia Keriso; aua o*

*le mana lava lea o le Atua e ola ai tagata uma o e faatuatua, e muamua le lutaia, atoa ma le Eleni.”*

**Autū: ‘O le Mamalu o le Tala Lelei’** *(The Glory of the Gospel)*

1. Aua le ma e faasoa atu le tala lelei.
2. O le mana o le Atua e mamalu ai le tala lelei.
3. O le tala lelei mo tagata uma.

**Aso Sa -- Setema 12**

Tusi Faitau -- Esoto 15: 1-21

Matua: Esoto -- 15:2 -- “O le Ali’i, o lo’u malosi ia, ma la’u pese, ua fai fo’i o ia mo’u olataga; o lo’u Atua lenei. ou te fa’aneenee i ai; o le Atua o lo’u Tama, ou te vivi’i lava ia te la.”

**Autū: ‘O le Pese o le Togiolaina’** *(The Song of Redemption)*

1. O le Ali’i o lo’u malosi ia.
2. O le Ali’i o la’u pese ia.
3. O le Alii, ua fai o ia ma o’u Faaolataga.

**Aso Sa -- Setema 19**

Tusi Faitau -- Mareko 9: 30-37

Matua -- Mareko: 7:35 -- “...Ua fetalai atu ia te i latou, Afai e fia muamua se tasi, e avea o ia ma mulimuli i tagata uma, ma auauna a tagata uma.”

**Autū: ‘Ia Tausolomua i le Alofa’** *(Take Initiative in Loving)*

1. E onosa’i le alofa moni.
2. E le faitau aoga pe saili agavaa le alofa moni.
3. E le saili mamalu pe saili tulaga le alofa moni.

**Aso Sa -- Setema 26**

Tusi Faitau -- Eseta 7:1-6

Matua -- Eseta 7: 6 -- “Ona fai mai lea o Eseta, O le tagata ua ita mai ma faasaua mai, o lenei tagata amio leaga o Hamanu. Ona mata’u tele ai lea o Hamanu I luma o le tupu ma le masiofo.”

**Autū: ‘Ia Loto Tele mo le Nu’u’**

*(Be Courageous for the Community)*

1. A fa’aeaina aua ne’i galo le Atua na mafua ai.
2. E fa’aa’u’upegaina e le Atua le tagata talitonu ma fa’atuatua.
3. E faaeaina e le Atua le ta’ita’i e alofa ma faamaoni i lona nu’u.

### **Aso Sa -- Oketopa 03 (Faafouina)**

Tusi Faitau -- 1 Korinito 11:23-34

Matua -- 1 Korinito 11: 26 -- “Aua o aso uma e tou te aai I lenei areto, ma feinu I lenei ipu, tou e faailoa atu ai le maliu o le Alii seia afio mai o ia.”

#### **Autū: ‘O mea e tuua i le Laoai Paia’**

*(What to Leave at the Communion Table)*

1. Tatou lafoa'i le le alolofa.
2. Tatou lafoa'i le le fa'amaoni.
3. Tatou lafoa'i le fia tau ma sui.

### **Aso Sa -- Oketopa 10 (Aso Sa o Tamaiti)**

Tusi Faitau -- Mareko 10: 17-31

Matua -- Mareko 10: 17 -- “Ua maliu ane o ia i le ala, ona momo'e mai ai lea o le tasi, ua to'otuli ia te ia, ma fesili mai ia te ia, le a'oa'o lelei e, se a se mea ou te faia ina ia ou maua ai le ola fa'avavau.”

#### **Autū: ‘Se a se Mea ou te Faia?’ *(What Should I Do?)***

1. Ou te tausi i ana tulafono.
2. Ou te tufaina atu a'u oloa i e matitiva.
3. Ou te fa'amuamua le Ali'i i lo'u olaga.

### **Aso Sa -- Oketopa 17**

Tusi Faitau -- Esoto 14:10-20

Matua -- Esoto 10: 12-14 -- “E le o le mea ea lea na matou fai atu ai ia te oe i Aikupito, Ia e tuu pea ia i matou, ina ia matou auauna ia Aikupito, aua e lelei ana matou auauna ia Aikupito, ae leaga ona matou oti i le vao. Ona tali atu ai lea o Mose i le nuu, Aua tou te fefefe, a ia outou laulau tutu ma vaai atu I le olataga mai le Alii, o le a faia e ia mo outou I le aso nei, aua o Aikupito ia tou te vaai atu I ai I le aso nei, tou te le toe iloa lava i latou i latou e faavavau. O le a tau le Alii mo outou, a e faalologo outou.”

#### **Autū: ‘Savavali i totonu o lu'i faigata’**

*(Walking into an Impossibility)*

1. A o'o ina faigata lu'i, faapea ane nisi e toe fo'i.
2. A o'o ina faigata lu'i, fai mai nisi e malolo ma tumau ai pea iinei.
3. A o'o ina faigata lu'i, e fetalai le Atua e tatou savavali pea I luma.

## **Aso Sa -- Oketopa 24**

Tusi Faitau -- Hosea 14: 1-9

Matua -- Hosea 14:1-2 -- *“Isaraelu e, ina toe fo’i mai ia i le Alii lou Atua; aua o lau agasala ua e pau ai. Ina sauni atu ia ni a outou upu ma toe fo’i atu i le Ali’i. Ia outou faapea atu ia te ia, Ia e ave ese agasala uma, ma talileleia mai, matou te avatua lava taulaga o matou laugutu.”*

**Autū: ‘O le Ala e te toe fo’i ai i le Aiga’** (*The Way to Get Home*)

1. O lo’o faatali pea le Atua i lou toe fo’i atu.
2. E le o taulaga mu e finagalo i ai le Atua, a’o lou loto.
3. E taumasuasua faamanuiaga mai le Atua, pe a e toe fo’i mai i le aiga.

## **Aso Sa -- Oketopa 31**

Tusi Faitau -- Ruta 1:1-18

Matua -- Ruta 1: 16-17 -- *“A ua fai atu Ruta, Aua e te finau ia te a’u ina ia ou tu’ulafoa’i ia te oe, ia le mulimuli atu ia te oe; aua o le mea e te alu ai, ou te alu ai fo’i; o le mea e te nofo ai, ou te nofo ai fo’i, e fai lou nuu mo’u nuu; e fai lou Atua mo’u Atua; o le mea e te oti, ou te oti ai, e tanu ai fo’i ma a’u; ia faapea ona faia e le Ali’i ia te a’u...”*

**Autū: ‘O le Mea e te Alu i Ai’** (*Wherever You Go*)

1. E loto tele e mulimuli ina ua iloa le alofa moni.
2. E malosi le filifiliga ina ua iloa le Atua moni.
3. E le popole i le lumana’i pe a malamalama i le Atua moni e to’atasi.

-----NOVEMA 2021-----

## **Aso Sa -- Novema 07 (Fa’afouina)**

Tusi Faitau -- 1 Peteru 2: 18-25

Matua -- 1 Peteru 2: 25 -- *“Aua o outou sa fa’apei o mamoe na se, a o lenei ua toe liliu mai outou i le na te leoleoina ma tausia o outou agaga.”*

**Autū: ‘Toe fo’i i le na afua ma pogai mai ai’**

(*Go Back to Where It Came From*)

1. Saili fesoasoani i le na mua’i alofa mai.
2. Fo’i nei manu o maua lou avanoa.
3. E tau’apa’apa mai pea le Atua mo oe.



### **Aso Sa -- Novema 14**

Tusi Faitau -- Ruta 2: 10-14

Matua -- Ruta 2: 14 -- "Ia totogi e le Ali'i i lau galuega, ia tu'uina mai ia te oe se taui tele mai le Ali'i le Atua o Isaraelu, ua e sau e fa'atuatua i lalo o le paolo o ona apa'au."

#### **Autū: 'E Tauia e le Atua au Galuega Lelei Uma'**

*(God Rewards All Your Good Works)*

1. Ia galue ma auauna ma le fa'amaoni.
2. O au galuega e mulimuli mai lava ia te oe.
3. E le taugofie le alofa o le Atua.

### **Aso Sa -- Novema 21**

Tusi Faitau -- Sakaria 4: 1-6

Matua -- Sakaria 4: 6 -- "E le o le fitafita e le o le malosi a o lou agaga ia fetalai mai ai le Ali'i o 'au."

#### **Autū: 'Ia faasaunia lou agaga i taimi uma'**

*(Always prepare your Soul)*

1. Ia fa'alagolago i Lana ta'ita'iiga ae le o lou malosi.
2. O le Atua o le fa'asino ala mo le agaga.
3. Ia lagona pea Lana musumusuga i taimi uma.

### **Aso Sa -- Novema 28**

Tusi Faitau -- Kolose 3: 5-11

Matua -- Kolose 3: 10 -- "A ua outou o'ofu i le tagata fou, o le ua fanaufouina i le iloa, e fa'atatau ia foliga i le na faia o ia."

#### **Autū: 'Ola ua fa'afouina mo Keriso' (Life is renewed for Christ)**

1. Ia fulitua mai le leaga sa e iai.
2. Tausisi I foliga matagofie ma le aulelei o le Atua.
3. Ia fusia I le alofa mea uma.

-----TESEMA 2021-----

### **Aso Sa -- Tesema 05 (Fa'afouina)**

Tusi Faitau -- Mataio 4: 12-16

Matua -- Mataio 4: 16 -- "O le nu'u sa nofo i le pouliuli ua latou iloa le malamalama tele, o i latou fo'i sa nonofo i le nu'u ma le ata o le oti, ua alu a'e le malamalama ia te i latou."

#### **Autū: 'O le Malamalama e susulu pea' (The Light that still shines)**

1. Tula'i ma alu ua o'o mai lou malamalama.
2. Ia talia ma le loto maulalo fa'aaliga mai le Atua.
3. Va'ai i e mea lou avanoa.

### **Aso Sa -- Tesema 12**

Tusi Faitau -- Iosua 1: 1-9

Matua -- Iosua 1: 3 -- *“O mea uma lava e solia e o outou alofivae, ou te foa'iina atu ai ia te outou, e pei ona ou fai atu ai ia Mose.”*

**Autū: ‘O fa’amanuiaga maua fua pe a fa’atuatua i le Atua’**  
(*Blessings are freely received when we trust in God*)

1. Savali sa'o iai ona e iloa ai lea.
2. Aua le fiu gofie ne'i fai ma fa'avaivai.
3. O le Atua e na te fa'amalieina oe.

### **Aso Sa --Tesema 19**

Tusi Faitau -- Isaia 9: 1-7

Matua -- Isaia 9: 6-7 -- *“Auā ua fanau mai mo i tatou le tama, ua foa'iina mai mo i tatou le atali'i, e i lona 'ua le malo, e igoa fo'i o ia o le Silisili ese, o le Faipule, o le Atua malosi, o le Tamā o le fa'avavau, o le Ali'i o le filemu.”*

**Autū: ‘Ua ia te i tatou le Atua’** (*God with us*)

1. O le Atua ua liutino tagata ina ia uiga tutusa ma ta'ua.
2. Ua taunu'u folafolaga na valoia.
3. E na te ia i tatou seia o'o i le gata'aga.

### **Aso Sa -- Tesema 26**

Tusi Faitau -- Iona 1: 1-17

Matua -- Iona 1: 12 -- *“Ona fai mai lea o ia ia te i latou, ina si'i ia te a'u ma lafo ifo ia te a'u i le sami, ona malu ai lea o le vasa ia te outou, aua ua ou iloa o a'u ua o'o mai ai lenei afa tetele ia te outou.”*

**Autū: ‘O le Ta'utinoga ua Talafeagai tonu ma le Taimi’**  
(*The Declaration is Timely*)

1. Ia fa'asaunia lelei lou tagata mo le faigamalaga.
2. E saogalemu mea uma pe a fa'alogo ma usita'i.
3. Fa'amaoni i tiute ma faiva ua vala'auina ai oe.

## TA'UTINOGA 'AU TAUMAFAI

Ua ou fa'amoemoe i le fa'amalosi mai o Iesu Keriso ia te a'u. O lenei, ou te ta'utino i le Ali'i, o le a ou taumafai ona fai o mea uma e tusa ma Lona finagalo. O le a ou faia ma tulafono o lo'u ola:

*Ou te tatalo ia te Ia i aso uma;*

*Ou te faitau i lana Afioga i aso uma;*

*Ou te 'alo 'ese i inuga 'ava o'ona i aso uma lava;*

*Ou te lagolago i galuega ma tapua'iga a le Ekalesia i so'o se ala ou te mafai ona ou faia;*

Ma, i lo'u olaga atoa, o le a ou taumafai i lo'u iloa atoatoa, ona ola i le soifuaga Kerisiano mo Keriso,

Amene.



**Tautua Printing Press**  
1 Kanana Fou St, P.O. Box 1537  
Kanana Fou, American Samoa 96799  
(684) 699-9810  
<https://efkasonline.org>